

目320.7

244

部-115



欽定四庫全書考證

武英殿聚珍版

卷三十二 史部

東觀漢記

建康實錄

隆平集

古史

臣 王錫奎恭校

東觀漢記 漢劉珍等撰

目錄卷七

宗室列傳趙孝王良 弘 梁 案弘梁二人各書俱
不載其追封爵諡故目錄僅列其名

原序

原序案羅願此序載文獻通考維時東觀漢記祇存八
篇至元時遂全佚今所裒輯者已與序語不相符合
以其為書原序故仍冠卷端

卷一 帝紀一

光武紀節侯孫考侯案范書考侯名仁光武祖鉅鹿都

尉回從弟也考姚本作孝非 又上將生皇考以令
舍下濕開宮後殿居之案李賢范書光武紀注引蔡
邕光武碑文云光武將生皇考以令舍不顯開宮後
殿居之而生與本書合范書謂光武生於縣舍殊爲
舛誤 又上生時有赤光室中盡明如晝皇考異之
使卜者王長卜之長曰此善事不可言此數句姚本
有之而文畧今從永樂大典本 又是歲鳳凰來集
齊陽故宮皆畫鳳凰聖瑞萌兆始形于此上爲人隆
準首角大口美鬚眉長七尺三寸此數句姚本有之
而文畧今從永樂大典本

固始侯兄弟爲上言案固字永樂大典訛因字考范書
李通傳建武二年封通固始侯本書蓋據後日封號
以曰通耳今改 又獨內念李氏富厚父爲宗卿師
案范書李通傳云世以貨殖著姓父守爲王莽宗卿
師通家居富逸爲閭里雄李賢注云平帝五年王莽
攝政郡國置宗師以主宗室當時尊之故曰宗卿師
又諸李遂與南陽府掾史張順等連謀案范書李
通等傳不載張順之名賴本書以正其疎漏 又遂
市兵弩絳衣赤幘 又上歸舊廬望見廬南若火光
以爲人持火呼之光遂盛赫然燭天有頃不見異之

又初伯升之起也諸家子弟皆逃自匿曰伯升殺我及聞上至絳衣大冠服將軍服乃驚曰以爲獨伯升如此也仲謹厚亦如之 又上騎牛與俱殺新野尉後乃得馬此數十句姚本有之而文稍異同今並從永樂大典本

進圍宛城王莽懼遣大司徒王尋大司空王邑將兵來征此數句姚本有之而文甚畧今從永樂大典本 又更始立以上爲太常偏將軍案前漢書莽傳云莽地皇四年三月漢立聖公爲帝四月莽遣尋邑發兵范書光武紀與前漢書同惟謂更始卽位在是年二

月今尋繹本文則似更始之立又在王莽發兵之後與班范二書異 又時無印得定武侯家丞印佩之入朝此三句姚本有之而文有異同今從永樂大典本 又二公兵到潁川嚴尤陳茂與合案前漢書王莽傳莽地皇三年四月遣嚴尤陳茂擊荊州范書光武紀更始元年正月伯升破嚴尤陳茂于滎陽是時尤茂餘軍尚駐潁川故尋邑與之合也又李賢後漢書注引桓譚新論云莊尤字伯石言嚴避明帝諱也 又且圍之數百重案百范書作十 又時漢兵在定陵酈者聞二公兵盛皆怖永樂大典酈訛鄙據范

書改

更始以上爲大司馬遣之河北此二句姚本有之而文有異同今從永樂大典本

故趙縵王子臨說光武決水灌赤眉案臨范書作林

漢軍破邯鄲誅郎入王宮收文書得吏民謗毀公言可

擊者數千章公會諸軍燒之曰令反側者自安也案

范書光武紀文與此同王郎傳則云郎夜亡走道死

追斬之說復小異又此數句姚本有之而文有異同

今從永樂大典本

詔曰馬異軍雁門此條原本闕案范書光武紀及異傳

皆不載此詔惟異拒朱鮪李軼時曾北攻天井關拔

上黨兩城異軍雁門恐卽此時

初王莽時上與伯升及姊婿鄧晨穰人蔡少公燕少公

道讖言劉秀當爲天子或曰是國師劉子駿也上戲

言曰何知非僕邪坐者皆大笑此條姚本有之而文

有異同今從永樂大典本

乃命有司設壇于鄩南千秋亭五成陌六月己未卽皇

帝位改元爲建武改鄩爲高邑此條姚本有之而文

畧今從永樂大典本

高祖以十月爲正以漢水德立北時而祠黑帝至孝文

時賈誼公孫臣以爲秦水德漢當爲土德永樂大典
臣誤弘案史記漢書張蒼傳以漢爲土德請改正朔
易服色者乃魯人公孫臣非弘也且弘非孝文時人
其誤無疑今改

上遣游擊將軍鄧隆與幽州牧朱浮擊彭寵隆軍路浮
軍雍奴相去百餘里遣吏上奏言寵破在旦暮上讀
檄未竟怒曰兵必敗比汝歸可知吏還未至隆軍果
爲寵兵掩擊破浮軍遠至不敢救以兵走幽州咸曰
上神案是時浮爲幽州牧彭寵攻浮于薊則寵爲客
浮爲主非浮遠至也范書云帝讀檄怒曰營相去百
里其勢豈得相及寵果大破隆軍浮遠遂不能救最
得其實本書至字疑衍

三年十月上幸春陵祠園廟大置酒與春陵父老故人
爲樂此條姚本有之而文畧今從永樂大典本

四年五月上幸盧奴爲征彭寵故也考范書光武紀建
武四年幸盧奴遣祭遵討張豐不言征彭寵當是蔚
宗失載又盧奴永樂大典誤靈奴今據范書改 又
自王莽末天下旱霜連年百穀不成元年之初耕作
者少民饑饉黃金一斤易粟一石數斛姚本亦有之
而文畧且不編于光武紀中別以斤金斗粟爲目綴

輯他卷內今移編于此其文則悉從永樂大典本

又至二年秋天下野穀旅生此二句姚本有之而文有異同今從永樂大典本

六年二月吳漢下朐城天下悉定唯獨公孫述隗囂未平上曰取此兩子置度外乃休諸將置酒賞賜之案范書光武紀蓋平董憲龐萌也又范書隗囂傳改爲關東悉平考是時尚有盧芳未降原文似不如范書之密又乃休諸將云云姚本有之而文畧今從永樂大典本 又開心見誠與人語好醜無所隱諱圖講天下事極盡下恩永樂大典好醜句下誤接二年紀

文宗祀高祖以配上帝數句據太平御覽移正

七年正月詔羣臣奏事無得言聖人又舊制上書以青布囊素裏封書此句姚本亦有之而文畧且不編于光武紀中別以囊封爲目綴輯于他卷內今從永樂大典本 又河西大將軍竇融與五郡太守步騎二萬迎上永樂大典五郡訛五部據范書改

建武十一年遣輕騎至成都燒市橋案范書吳漢傳漢攻廣都拔之遣輕騎燒成都市橋故光武下詔書有堅據廣都之語本書不載漢拔廣都當是脫佚 又有獻名馬寶劍直百金此句姚本有之而文有異同

今從永樂大典本

建武十三年詔曰刺史太守多爲詐巧不務實核苟以度田爲名聚人田中并度廬屋里落聚人遮道啼呼此條之前姚本有光武閔傷前世權臣太盛外戚與政數句案此條已見明帝紀今刪正

十九年上幸南陽汝南至南頓止令舍大置酒賜吏民復南頓田租一歲此數句姚本有之而文稍異同今從永樂大典本

中元二年上以天下既定思念欲完功臣爵土不令以吏職爲過故皆以列侯就第恩遇甚厚遠方貢甘珍

必先徧賜列侯而大官無餘有功輒增封邑故皆保全此條姚本有之而文畧今從永樂大典本

光武封新野王子鄧汎爲吳侯姚本主悞王汎悞佞據范書鄧晨傳改 又后父陰睦宣陽侯姚本睦訛隆

案李賢范書陰后紀注云東觀記后父名睦今世本睦作陸范書亦作陸當是由睦誤陸由陸誤隆而姚本未之考耳 又皇考女弟子來歙征羌侯案范書來歙傳歙父仲娶光武祖姑而傳中述隗囂將王遵語又以歙爲光武外兄李賢注云歙光武姑子故曰外兄其說自相違戾當以本書爲正

孝明皇帝諱陽一名莊世祖之中子也案明帝本名陽
建武十九年立爲皇太子始改名莊范書明帝紀直
作諱莊蓋舉後以概前觀光武建武十九年詔書可
見

年十二通春秋上循其頸曰吳季子陽對曰愚戇無比
案東觀爲漢時本朝之史不應稱帝名當屬後人所
加

永平八年明帝幸南陽祀舊宅此條後姚本有元年營
造明堂靈臺辟雍十字係光武中元元年事誤入明

帝紀今刪

章帝元和二年帝至岱宗柴望畢白鶴三十從西南來
經祀壇上案白鶴三十范書章帝紀作黃鶴三十

章帝賜尚書劔各一手署姓名韓稜楚龍泉到壽蜀漢
文陳寵濟南鍛成案范書韓稜傳鍛成作椎成李賢
注載漢官儀作鍛成與本書合

和帝孝和元年詔有司京師離宮園池悉以貸貧人案
和帝建元永元孝和二字舉諡號也

單于乞降賜玉具劔羽蓋車一駟中郎將持節衛護焉
案范書南匈奴傳作玉劔四具羽蓋一駟又案范書

南匈奴傳持節衛護者尚任也

永元十年五月京師大雨南山水流出至東郊壞民廬舍此條後姚本有九真言嘉禾生一條係安帝延光二年事誤入和帝紀今移正

卷三 帝紀三

安帝永初三年雁門烏桓及鮮卑叛五原郡兵敗于高梁谷案范書安帝紀作高渠谷李賢注謂渠梁相似必有一誤

順帝永建四年漢陽率善都尉蒲密因桂陽太守文翬獻大明珠案梁書不載密名

六年望都蒲陰復殺女子九十七人案李賢范書順帝紀注云章帝改曲逆爲蒲陰屬中山范書他本或作蒲陰說也

陽嘉二年汝南童子謝廉河南童子趙建年十三各通一經以太學初繕召而至皆除郎中案范書順帝紀陽嘉元年太學新成除郡國耆儒補郎舍人二年復除京師耆儒年六十以上者補郎舍人及諸土國郎而不載除童之郎中事

沖帝永嘉元年永嘉袁宏後漢紀作元嘉今從范書延熹七年十月上幸雲夢至新野公主壽張敬侯廟姚

本嘉訛壽敬侯下衍一主字今刪改 又五國並建
其二絕者祠之案范書樊宏傳宏封壽張侯宏弟丹
封射陽侯兄子尋封立鄉侯族兄忠封亢父侯宏少
子茂封平望侯是五國也李賢注樊脩傳一宗五侯
句不數平望之封而以宏封長羅又封壽張析而爲
二不知宏改封壽張則長羅之國已除豈可列之爲
二國邪

靈帝紀有黑氣墮所御溫明殿庭中案溫明范書靈帝
紀作溫德司馬書五行志則與本書同

卷四 百官表

交阯刺史持節案歐陽詢藝文類聚載苗恭交廣記一
條云建安二年南陽張津爲交阯刺史交阯太守士
燮表言伏見十二州皆曰州而交獨爲交阯刺史天
恩不平昭聽之以津爲交州牧交之稱州蓋自此始
其前祇稱交阯刺史也

建武元年復設諸侯王金璽緹殺案前漢書諸侯王蓋
殺晉灼曰蓋草名出邳邳平昌縣似艾可染綠因以
爲緹名又案急就篇注緹蒼艾色東海有草其名曰
莫以染此色因名緹云知蓋與緹通也

天文志注案劉昭司馬書天文志注引蔡邕表志云言
天者有三家一曰周髀二曰宣夜三曰渾天案徐堅
初學記引此文竟題爲蔡邕志今案此乃表志之文
非卽蔡志也

卷六 列傳一

明德馬皇后傳章帝曰太后時廣平鉅鹿樂成王在邸
入問起居朕從上望見車騎鞍勒皆純黑無金銀采
飾馬不踰六尺于是曰太后卽賜錢五百萬案范書
馬后紀亦作五百萬可證永樂大典作五萬之訛
孝崇隱皇后傳閔夫人生桓帝案范書蓋吾侯翼夫人

馬氏閔則翼媵妾也

卷七 列傳二

城陽恭王祉傳元帝初元四年徙南陽之白水鄉猶以
春陵爲國名案永樂大典初元訛初平據范書本傳
改

東平憲王蒼傳章帝幸東平祭東平王墓云思其人到
其鄉其處在其人亡范書本傳作帝追感念蒼以此
語其諸子與此小異

孝德皇傳永元四年上移幸北宮章德殿講白虎觀慶
得入省宿止案上指和帝也姚本上字訛王字今改

卷八 列傳三

鄧禹聞上安集河北卽杖策北渡追及于鄴上欣其至禹進說曰更始雖都關西今山東未安赤眉青犢之屬動以禹數三輔假號往往羣聚更始旣未有所挫而不自聽斷諸將皆庸人崛起志在財幣爭用威力朝夕自快非有忠良明智深慮遠圖欲尊主安民者也明公雖建蕃輔之功猶恐無所成立于今之計莫如延攬英雄務悅民心立高祖之業救萬民之命以公而慮天下不足定也上大悅因令左右號禹曰鄧將軍常宿止于中與定計議此條姚本有之而文畧

今從永樂大典本

鄧禹傳鄧禹攻赤眉賊不利吏士散已盡禹獨與二十四騎還詣雒陽案雒陽范書鄧禹傳作宜陽

鄧陟傳永初元年以定策功增封陟三千戶讓不獲遂逃避使者閉關上疏自陳考范書陟傳閉關作閭關李賢注猶崎嶇也案陟爲太后弟避位上疏卽不見聽未至閭關本書閉關于義爲長

鄧閻傳案閻袁宏後漢紀作閻

鄧訓五子及女弟爲貴人立爲皇后鄧氏自中興後累世寵貴凡侯者二十九人公二人大將軍以下十三

人中二千石十四人州牧郡守四十八人其餘侍中大夫郎謁者不可勝數東京莫與爲比此條姚本有之而文甚畧今從太平御覽本

賈復傳賈復爲縣椽迎鹽河東會盜賊起等輩欺沒其鹽復獨完致縣中案欺沒范書復傳作放散其鹽似不若本書之尤確

耿弇傳更始使侍御史黃黨卽封世祖爲蕭王罷兵案黃黨姓名范書不載惟李賢光武注注引續漢書及之

帝起坐曰卿失言我繫卿案李賢范書弇傳注引司馬彪書作我斬卿

張步直攻弇營與劉歆等會戰弇升王宮環臺望之案李賢范書弇傳注云臨淄本齊國所都卽齊王宮中環臺也此作環

耿國傳耿國字叔憲案憲范書作慮與本書異

卷九 列傳四

岑起傳案范書岑彭傳起作杞

馮異傳異薦邑子姚期叔壽殷建左隆等光武皆以爲據史案殷建范書作段建李賢注引司馬彪續漢書則與本書同

王郎起兵上白薊東南馳晨夜草舍夜至饒陽蕪董亭
案蕪范書本傳作無

念自修整無爲郡縣所笑案范書本傳笑作苦

朱祐傳案通鑑考異云范書袁紀朱祐皆作祐考東觀
記祐作福本避安帝諱而許慎說文祐字下不云上
諱然則朱名當作示旁如古今之古不當作祐也

祭遵傳祭遵從征河北爲軍市令上舍中兒犯法遵格
殺之上怒命收遵主簿陳副諫曰明公常欲衆軍整
齊今遵奉法不避是教令行也上乃貸之以爲刺姦
將軍語諸將曰當避祭遵吾舍中兒犯法尙殺之必

不私諸卿也此條姚本有之而文畧今從太平御覽
增

祭遵病薨喪至河南縣詔遣百官皆至喪所上車駕素
服往弔望城門舉音遂哭而慟還幸城門閱過喪車
瞻望流涕上親臨祠以太牢儀如孝宣帝臨霍將軍
故事此條姚本有之而文畧今從永樂大典本

蓋延傳延爲虎牙大將軍與戰永軍反走溺水者半後
與戰連破之遂平沛楚臨淮悉降延令沛修高祖廟
置齋夫祝宰樂人因齋戒祀高廟此條姚本有之而
文畧今從水經注本

卷十 列傳五

馬武傳持戟奔擊殺數十人案范書本傳十作千
李忠傳王郎遣將攻信都馬寵等開城內之收太守宗
廣及李忠母妻子皆繫獄而令親屬招呼忠時寵弟
從忠爲校尉忠卽時召見責數以背恩反賊因格殺
之諸將皆驚曰家屬在人手巾殺其弟何猛也忠曰
若縱賊不誅則二心也上聞而美之謂忠曰今吾兵
已成也將軍可歸救老母妻子忠曰蒙明公大恩思
得効命誠不敢內顧宗親此條姚本有之而文畧今
從永樂大典本

劉植傳姚本植訛桓今改

劉嘉傳案此別一劉嘉非范書宗室四王三侯之順陽
懷侯嘉也

竇融傳光武詔封竇融曰行河西五郡大將軍張掖屬
國都尉竇融執志忠孝扶微救危仇疾反虜隗囂率
厲五都精兵羌胡畢集兵不血刃而虜土崩瓦解功
旣大矣篤意分明斷之不疑吾甚嘉之其以安豐陽
泉蓼安風凡四縣封融爲安豐侯此條姚本有之而
文畧今從永樂大典本

卷十一 列傳六

來歙傳隗囂圍來歙于畧陽世祖昭曰桃花水出船槩
皆至郁夷陳倉分部而進案司馬書郡國志右扶風
有陳倉無郁夷蓋東漢時省又案此條永樂大典及
姚本俱無今從水經注補入

來歙與蓋延攻公孫述將王元破之蜀人大懼使刺客
刺歙歙未死馳告蓋延延見歙伏悲不能仰視歙叱
曰故呼卿欲屬以軍事而反効兒女子泣涕乎延收
淚強起受所誠歙自書表投筆抽刃而死此條姚本
有之而文畧今從永樂大典本

樊重傳家素富外孫何氏兄弟爭財重恥之以田二頃
解其忿訟縣中梅美推爲三老年八十餘臨終其素
所假貸人間數百萬遺令焚削文契債家聞者皆慙
爭往償之諸子從勅竟不肯受此條姚本有之而文
畧今從永樂大典本

樊宏傳案宏袁宏後漢紀作密

樊沆傳樊沆爲尚書郎每當直事常晨駐馬待漏雖在
閒著冠劍不解于身每齋祠恐失時乃張燈俯伏此
條姚本有之而文畧今從永樂大典本

樊準傳姚本前後兩見一作樊淮編于傳俊傳後一作
樊準編于魯恭傳後準爲御史中丞一條則兩傳俱

有之今刪其複出合并編正

卷十二 列傳七

馬援傳馬援爲郡督郵送囚至府囚有重罪援哀而縱之亡命北地遇赦留此條永樂大典姚本皆無之今從太平御覽補

馬援與楊廣書曰車丞相高祖園寢郎一月九懸爲丞相者知武帝恨誅衛太子上書訟之案前漢書車千秋傳千秋由高寢郎數月始爲丞相與本書所引微異

馬援好事室荔荔蒲冬筍名曰苞筍上言禹貢厥包橘

柚疑謂是也其味美于春夏筍此條永樂大典及姚本無之今從太平御覽補

馬援謂官屬曰吾在浪泊西里烏間案烏間太平御覽及范書本傳俱無烏字恐是地名

馬援行亭鄣到右北平詔書賜鉅鹿縑三百匹此條永樂大典及姚本無之今從太平御覽補

馬防傳馬防字公平案范書本傳公平作江平與此異章帝建初元年馬防爲車騎將軍城門校尉置掾史位在九卿上絕席此條姚本有之而文畧今從永樂大典本

馬客卿傳案史例應書名客卿不應獨書字緣其名不可考姑仍傳文標目

馬融傳融才高博洽爲通儒教養諸生常有千數涿郡盧植北海鄭元皆其徒也善鼓瑟好吹笛達生任性不拘儒者之節居宇器服多存侈飾常坐高堂施絳紗帳前授生徒後列女樂弟子以次相傳鮮有入其室者此條姚本有之而文畧今從永樂大典本

梁統傳疏稱元帝初元五年輕殊死刑三十四四事哀帝建平元年輕殊死刑八十一事其四十二事手殺人者減死一等案范書統傳約之云臣竊見元哀二

帝輕殊死之刑以一百二十三事手殺人者減死一等考范書所載減輕條目其數與原文不合蓋緣元帝所輕三十四事范書未曾統計耳賴本書載統疏原文可訂其訛

梁竦傳悼騷賦雖吞刀以奉命兮抉目毗于門闥案竦賦本以悼子胥屈原此句正用伍員事也雖字疑是胥字之訛

梁商傳梁商安定烏氏人考史家體例凡子孫附于祖父傳者但于祖父傳中書明爲某地人後此更不復載此條當是梁統傳文後來採摘東觀漢記者移入

商傳

卷十三 列傳八

伏隆傳姚本隆作盛蓋當時避虜帝諱今改

宋弘傳上嘗問宋弘通儒之士案通儒之士或傳寫有訛考范書本傳作通博之士太平御覽引本書與范書同文義較安今仍原本

張湛傳湛爲太子太傅及郭后廢因稱疾拜大中大夫病居中東門侯舍故時人號中東門君此數句姚本有之而文畧今從永樂大典本

杜林傳隗囂出令曰杜伯山天子所不能臣諸侯所

不能友蓋伯夷叔齊恥食周粟今且從師友之位須道開通使順其志林雖拘于囂而終不屈節建武六年弟成物故囂乃聽林持喪東歸旣還而悔追令刺客楊賢于隴坻遮殺之賢見林身推鹿車載致弟喪乃歎曰當今之世誰能行義我雖小人何忍殺義士因亡去此條姚本有之而文畧今從永樂大典本

馮勤傳偃爲黎陽令案偃父揚宣帝時已爲太守則偃自是西漢末人本書不應爲立專傳故此條附入勤傳編于馮勤會祖揚一條後

兄弟形皆偉壯惟勤祖偃長不滿七尺常自謂短陋恐

子孫似之乃爲子伉娶長妻生動長八尺三寸此條
永樂大典及姚本無之今從太平御覽補

趙熹傳趙熹奮迅行伍此條永樂大典及姚本無之當
是序中語今從李善文選注補編于傳末

卷十四 列傳八

朱鮪傳世祖以岑彭嘗爲鮪校尉令彭說鮪曰赤眉已
得長安今公誰爲守乎蕭王受命平定燕趙百姓安
土歸心賢俊四面雲集今北方清淨大兵來攻雖保
一城欲何望乎不如亟降案是時光武已卽位史官
載筆不應稱蕭王恐抄撮記文者有訛

鮪永傳上謂鮪永曰我攻懷三日兵不下關東畏卿且
將故入往卽拜永諫大夫至懷謂太守曰足下所以
堅不下者未知孰是也今聖主卽位天下已定不降
何待卽開城降案通鑑考異云范書無更始河內大
守據懷事光武本紀亦無攻懷一節而田邑與永書
稱主亡一歲莫知定所則永衍之降必在建武二年
幸脩武時脩武亦河內縣也其稱降懷等事當是史
誤又此條永樂大典及姚本無之今從太平御覽增
馮衍傳饑者毛食寒者裸跣案李賢范書注云毛草也
衍集作無今俗猶然或古者毛與無通用 又夫并

州之地東帶石陁關北逼強胡案范書本傳作東帶
名關

馮豹傳豹好儒學以詩傳教授案范書本傳作豹以詩
春秋教麗山下與此稍異

卷十五 列傳十

丁鴻傳肅宗詔鴻與太常樓望少府成封屯騎校尉桓
郁衛士令賈逵等集議白虎門使五官中郎將魏應
主承制問難侍中淳于恭奏上帝親稱制臨決鴻以
材論最明儒者稱之數嘆美焉時人嗟曰殿中無雙
丁孝公此條姚本有之而文畧今從太平御覽本

又范書本傳白虎觀論五經同異者尚有明帝子廣
平王羨本書未載

王丹傳丹資性清白疾惡豪強此條永樂大典及姚本
無之今從太平御覽補

王良傳王良爲大司徒司直姚本無司直二字考范書
良傳敘鮑叔到東海事與本書多同時良正爲大司
徒司直今從永樂大典增

郭伋傳郭伋細侯爲并州牧前在州素有恩德老小相
攜道路行部到西河美稷有兒童數百各騎竹馬于
道次迎拜伋問兒曹何自遠來對曰聞使君始到喜

故奉迎使辭謝之事訖諸兒送出郭外問使君何日當還使使別駕計日告之既還先期一日使爲違信止于野亭須期乃入此條劉知幾史通駁之云方伯儀比諸侯草萊稚子安能自陳襟抱不可信一也方伯案部供具有程安能輕赴數童之期居止無常不可信二也晉陽無竹安得羣戲竹馬不可信三也案段于并州舊有德政童子歡迎理宜有之史記稱山西饒材竹則晉陽未嘗無竹也行部供具尤非循吏舉動劉說殊爲迂謬

茨充傳茨充爲桂陽太守考范書與此同惟賈繼齊民

要術稱充爲桂陽令案爲令不能下令屬縣矣賈說舛訛

卷十六 列傳十一

班超傳班超字仲升扶風平陵人徐令彪之子也爲人大志不修小節然內孝謹居家常執勤苦不恥勞辱有口辯而涉獵書傳此條永樂大典及姚本無之今從太平御覽補

班超自以久在絕域年老思土上疏曰臣常恐年衰奄忽僵仆不敢望到酒泉郡但願生入玉門關此條永樂大典及姚本無之今從太平御覽補

鄭眾傳永平八年北匈奴遣使求和親上遣鄭眾持節使匈奴眾素剛烈至北庭虜欲令拜眾不爲屈單于大怒圍守閉之不與水火欲脅服眾眾拔刀自誓單于恐而止此條姚本有之而文畧今從永樂大典本桓榮傳初桓榮遭倉卒困厄時嘗與族人桓元卿俱搢拾投間輒誦詩元卿謂榮曰卿但盡氣爾當安復施用時乎榮笑而不應後榮爲太常元卿來候榮榮諸弟子謂曰平生榮盡氣力今何如元卿曰我農民安能預知如此此條姚本有之而文畧今從永樂大典本

桓郁傳帝自制五家要說章句令郁校定于宣明殿考李賢范書郁傳注云五家五行之家案下文有上自講所制五行章句之語知李注爲確也

上問郁曰子幾人能傳學郁曰臣子皆未能傳學孤兄子一人學方起考李賢范書桓榮傳注引華嶠書云榮長子雍早卒范書郁傳云榮卒郁當襲爵讓于兄子汎則郁所謂學方起者當指汎言

桓礪傳姚本礪訛礪據李賢傳注改

桓譚傳光武卽位拜議郎此條永樂大典及姚本無之今從李善文選注補入

桓譚譏訕圖讖有詔會議靈臺所處上謂桓譚曰吾欲
識決之何如譚默然良久曰臣不讀讖上問其故譚
復極言讖之非經上大怒曰桓譚非聖無法將下斬
之譚叩頭流血良久乃得解此條姚本有之而文畧
今從永樂大典本

劉軼傳姚本軼訛軟今改

溫序傳溫序字次房爲護羌校尉案通鑑考異謂范書
西羌傳建武九年方置護羌校尉序無緣作此官本
文舛誤今識於此以資考訂

古初傳長沙有義士古初遭父喪未葬鄰人火起及初

舍棺不可移初冒火伏棺上會火滅人以爲孝感所
致云此條姚本有之而文畧今從永樂大典本

逢萌傳姚本逢訛蓬據永樂大典改

家貧給事爲縣亭長尉過迎拜問事微久尉去舉拳搥
地嘆曰大丈夫安能爲人役邪遂去學問案舉拳搥
地句范書本傳作擲楯嘆曰李賢注亭長主捕盜賊
故執楯也

王莽居攝子宇諫莽而莽殺之逢萌謂其友曰三綱絕
矣不去禍將及人解冠挂東都城門歸家將浮海客
于遼東此條姚本有之而文畧今從永樂大典本

王霸傳案此王霸范書入逸民傳非建武功臣之王霸也

閔貢傳周黨嘗遺仲叔生麻仲叔嘆曰我欲省煩耳受而不食案麻范書作蒜

卷十七 列傳十二

孫堪傳姚本堪訛湛據范書改

鍾離意傳意在堂邑爲政愛利輕刑慎罰撫循百姓如赤子案此條係意爲堂邑令時事而李賢注范書意傳乃繫之意爲魯相之下考續漢書郡國志堂邑屬臨淮不屬魯且本文有興功役者令句則其非爲相

時事可知也今訂于此以資考證

趙孝傳建武初天下新定穀食尙少孝得穀炊將熟令弟禮夫妻俱出外孝夫妻共蔬食比禮夫妻歸卽曰我已食訖以穀飯獨與之積久禮心怪疑後掩伺見之亦不肯食遂共蔬食兄弟怡怡鄉里歸德此條姚本有之而文畧今從永樂大典本

卷十八 列傳十二

第五倫傳第五倫每見光武詔書常嘆曰此聖主也當何由一得見決矣等輩笑之曰汝三皇時人也爾說將尙不下安能動萬乘主邪倫曰未遇知已道不同

故耳此條姚本有之而文畧今從永樂大典本

鄧彪傳鄧彪字智伯彪少修孝行厲志清高與同郡宗武伯翟敬伯陳綏伯張弟伯同志好齊名稱南陽五伯此數句姚本有之而文畧今從永樂大典本

鄭均傳兄仲爲縣游徼頗受禮遺均數諫止不聽卽脫身出作歲餘得數萬錢歸以與兄曰錢盡可復得爲吏坐賊終身捐棄兄感其語遂爲廉潔稱清白吏此數語姚本有之而文畧今從永樂大典本

廉范傳章和二年帝崩廉范奔赴敬陵還入城見道中有諸生乘小車馬頓死泥中諸生立旁不能自進時

范問爲誰所從來生白廬江太守掾嚴麟爲太守奉章來弔范惻然令從騎下馬與之不告而去麟事畢不知馬所歸緣路訪之或謂麟曰故蜀郡太守廉叔度好賙人窮今奔國喪當是時麟亦素聞范名以爲然卽牽馬造門謝而歸之世服其好義此條姚本有之而文畧今從永樂大典本

立賀傳案此傳姚本前後兩見一編王緝傳後一編尹勤傳後並訛賀立永樂大典亦同今據常璩華陽國志及范書合并改正

賈逵傳賈逵長八尺二寸能講左氏及五經本文以大

小夏侯尚書教授京師爲之語曰問事不休賈長頭
此條永樂大典及姚本無之今從太平御覽補

召馴傳召馴字伯春案召永樂大典訛占附訂于此
宋掇傳姚本揚說楊據范書改

淳于恭傳淳于恭字孟孫北海人以謙儉推讓爲節家
有山田橡樹人有盜取之者恭助爲收拾載之歸乃
知是恭橡盜載橡還之恭不受人又有盜刈恭禾者
恭見之念其媿因自伏草中至去乃起此條姚本有
之而文畧今從永樂大典本

梁鴻傳鴻將之會稽作詩曰維季春兮華阜麥含金兮

方秀案含金范書本傳作含含與此異

卷十九 列傳十四

張酺傳酺爲太尉父尚在酺每遷轉乃一到雒父來適
會正臘公卿罷朝俱賀歲奉酒上酺父壽極歡案酺
每遷轉二句范書本傳作酺每有遷職輒一詣京師
常來候酺指語有乖史體遠遜本書之簡當

魯恭傳魯恭爲中牟令時郡國螟傷稼犬牙緣界不入
中牟此條姚本有之而文畧今從永樂大典本

魯丕傳姚本不訛平據范書改

陳寵傳寵爲尚書性周密重慎時有表薦輒白手書削

草人莫得知此條姚本有之而文畧今從永樂大典
本

魏霸傳延平元年仕爲光祿大夫霸妻死長兄伯爲霸
取妻送至官舍霸笑曰年老兒子備具矣何用空養
他家老嫗爲卽自入辭其妻奉案前因跪曰夫人視
老夫復何中而遂失計義不敢屈卽拜而出妻慙求
去遂送還之此條姚本有之而文畧今從永樂大典
本

黃香傳父況舉孝廉爲郡五官掾案李賢范書本傳注
引謝承書云况爲棗令與本書稍異

黃香爲郎詔詣安福殿賜錢二萬黃白緋各一端此條
永樂大典及姚本無之今從太平御覽補

汝郁傳郁年五歲母被病不能飲食郁常抱持啼泣亦
不飲食此條太平御覽不知汝字爲姓遂編此條于
孝女類中類書抄撮斯爲最舛今訂于此

卷二十一 列傳十五

楊震傳震到雒陽都亭案范書本傳作城西夕陽亭

卷二十一 列傳十六

段熲傳段熲上書言掠得羌侯君長金印四十三銅印
三十一錫印一枚長史司馬涉頭長燕鳥校棚水塞

尉印五枚紫綬三十八黃綬二枚皆簿入也此條姚本有之而文畧今從永樂大典本

劉寬傳劉寬簡畧嗜酒常有客遣蒼頭市酒迺久大醉而還客不堪之罵曰畜產寬須臾遣人視奴疑必自殺顧左右曰此人也罵言畜產辱孰甚焉吾懼其死也此條姚本有之而文畧今從永樂大典本

張奐傳休屠各及朔方烏桓並同及遂燒度遼將軍門列屯赤地烟火相望案赤地范書奐傳作赤阬

卷二十三載記

赤眉傳琅邪人樊崇字細君起兵于莒同郡東莞人逢

安字少子東海臨沂人徐宣字驕穉謝祿字子奇及楊音各起兵合數萬人案前漢書王莽傳赤眉力子都樊崇等起于琅邪本書不載子都名當是闕佚

王郎傳王郎遣諫議大夫杜威持節詣軍門案本書光武紀作杜長威而范書王郎傳亦作杜威與此互異彭寵傳彭寵奴子密等三人共謀劫寵寵時齋獨在便坐室中晝夜臥子密等三人縛寵著牀板告外吏大王解齋吏皆便休又用寵聲呼其妻入室見寵此條姚本有之而文畧今從永樂大典本

寵曰趣爲諸將辨裝兩奴將妻入取寵物一奴守寵寵

謂奴曰若小兒我所素愛今解我縛當以女珠妻若
小奴見子密聽其女遂不得解子密收金玉衣物使
寵妻縫兩縑囊夜解籠手台作記告城間將軍云今
遣子密等詣子后蘭卿所其開出勿稽留書成卽斷
寵及妻頭置縑囊中西入上告朝廷以奴殺主不義
復不可不封乃封子密爲不義侯此條姚本有之而
文畧今從永樂大典本

卷二十四 佚文

後漢有南宮北宮承光宮也

又漢有沛宮甘泉宮太

一宮思子宮後漢有胡桃宮案此二條不似史體疑

是他書之文而談題漢記者今以無可考姑從北堂
書鈔及初學記錄入

建康實錄 唐許嵩撰

卷一

吳太祖十三年分歙置始新原本新訛所據吳志改
五年大將軍陸遜條尚書古今大義原本今訛人據吳
志改

卷三

廢帝建興元年條舊穀既盡新田不收原本脫舊穀既
盡四字據吳志增

卷四

後主二年條分豫章廬陵長沙爲安成郡原本脫爲安

成郡四字據吳志增

卷六

晉肅宗明皇帝二年條臨陣斬前鋒何康鄧岳注為王

敦參軍原本王敦訛桓溫據晉書改

敦字處仲條舉坐歎其雄爽注敦乃開後閭原本敦訛

事據晉書改

卷八

康皇帝咸和元年封吳王原本吳訛為據晉書改

孝宗穆皇帝八年中軍將軍殷浩率眾北伐原本脫將

軍二字據晉書增

卷九

烈宗孝武皇帝條坦之字文度注以此為濠上悟之者

得無鮮乎原本脫鮮字據晉書增

后諱蒜子條少聰明原本聰明訛明德據晉書改

卷十

安皇帝隆安二年恩既自稱征東將軍原本恩訛害據

晉書改

卷十一

宋廢帝榮陽王二年條未能忌言于悟賞故與之遊耳

原本賞訛當耳訛矣又脫與字並據宋書改增

卷十二

太祖文皇帝元嘉五年條指陳得失勿有所諱原本指
陳得失訛直指陳失據宋書改

二十二年南平王鑠爲冠軍將軍原本冠軍訛九將據
宋書改

卷十三

世祖孝武皇帝大明五年彭城太守張岱原本脫岱字
據宋書增

少帝諱子業條復淮南爲梁山郡案梁山宋書作南梁

卷十四

太宗明皇帝泰始二年連營至蕪湖案蕪湖宋書南史
俱作濃湖

黃回傳及破景素原本景素訛侯景據宋書改

卷十五

齊崔祖思傳與刺史劉懷珍原本劉懷珍訛桓護之據
齊書改

卷十九

陳高祖武皇帝封新安縣子原本安訛枋據陳書改

永定二年春三月原本三訛正據陳書改

卷二十

陳朝功臣王元規條自梁諸儒相傳爲左氏學者皆以
賈逵服虔之義難駁杜預原本儒訛侯又脫逵服二
字並據陳書改增

隆平集 宋曾鞏撰

卷三

至道二年條于河陰獲嘉太原等倉案獲宋史河渠志
作倉攷唐時並無倉嘉倉名足訂宋史之誤

卷五

李迪條降太常卿知密州案密宋史作岳與此異

卷八

范仲淹條州之西北有寨據後橋川刊本後訛復據宋

史改

卷十四

錢昆條吾當白衣召至翰林案宋史作吾當自布衣召
至禁林與此異

卷十七

楊業或曰繼鄴麟州人案宋史作楊鄴并州太原人父
信爲漢麟州刺史與此異

古史 宋蘇轍撰

卷二

五帝本紀故堯禪舜舜祀饗於郊刊本祀訛祝今改

卷五

周本紀于是大封功臣刊本大封二字互倒今改 又
刑民之力刊本刑訛形據左傳改 又司商協各姓
刊本各訛民據國語改 又爲國爲之師刊本爲訛
爲今改

卷六

秦本紀秦師又至必將辟之刊本又訛以據左傳改

卷七

秦始皇本紀齊王建與其相后勝刊本相訛宿今改

又天子稱朕固不聞聲于是二世常居禁中刊本脫不字聞聲二字互倒是訛世並據史記增改

卷八

吳大伯世家壽夢說之刊本脫夢字今增

卷九

齊太公世家子成公說立刊本說訛脫據史記改 又管夷吾召忽刊本脫忽字今增 又敢不唯子是從刊本子訛二據左傳改 又取謹及闡刊本謹訛謹

據春秋改

卷十

魯周公世家以賂求慶父于莒而殺之刊本殺訛立據

左傳改

卷十二

蔡叔曹叔世家齊桓公帥諸侯城夷儀而遷之刊本脫侯字今增

卷十三

陳祀世家慶氏求專陳國刊本求訛不 又歲及鷄火而後陳卒刊本後訛多今並改

卷十四

衛康叔世家圍菟園刊本圍訛為據左傳改 又宋樂

茂刊本宋訛送今改

卷十五

宋微子世家二國歸之刊本二訛至據左傳改

卷十六

晉唐叔世家曹共公亦不禮焉刊本共訛文 又謀出

曰原將降矣刊本謀訛謀今並改 又菟于清原刊

本原訛源 又無終子嘉父刊本脫父字並據左傳

改增

卷二十一

魏世家邊城盡拔刊本邊訛遣據史記改

卷二十九

晉叔向列傳邢侯與雍子爭鄙田刊本鄙訛俛據左傳

改

卷三十二

孔子弟子列傳秦商父董父刊本董訛董據左傳改

又榮祈字子祺刊本祺訛棋據史記改

卷四十

蘇秦列傳韓北有鞏洛成臯之固刊本脫洛字據史記

增

卷四十一

張儀列傳此吾在術中而不悟刊本吾在二字互倒
又塞斜谷之口刊本斜訛什 又伐取魏之曲沃平
周刊本平訛子並據史記改

欽定四庫全書考證

武英殿聚珍版

卷三十三 史部

通志上

臣 蔣攸銛恭校

通志上 宋鄭樵撰

卷一 三皇紀

黃帝軒轅氏案語少典娶于有嶠氏生黃帝炎帝刊本
脫炎帝二字據國語增 又蚩尤豕在東平壽張闕
鄉居民常以十月祠之刊本祠訛食今改

卷二 五帝紀

帝舜有虞氏集五瑞案集尚書舜典作輯

卷三上 三王紀

帝相紀案語弃棄其賢臣武羅伯因而用寒浞刊本因

訛因據左傳改

帝太庚紀太庚子小甲立注小甲太庚弟刊本庚訛丁
據史記及竹書紀年改

卷三下

周成王紀召公營洛邑方千七百二十丈鄂方十七里
案十七里竹書紀年箋注作七十里汲冢周書作七
百里俱與此異

幽王紀子幽王宮涅立刊本涅訛涅據史記改

幽王紀伯陽甫曰夫天地之氣不失其序刊本不訛下

據史記改

靈王紀靈王冢在河南城西南栢亭刊本栢訛相據史

記注及後漢書郡國志改

卷四 秦紀

穆公紀於是岐下食善馬者三百人刊本脫善字據史

記增

簡公紀簡公昭子之弟刊本子訛公據史記改

昭襄王紀穰伯冉復相刊本冉訛免據史記改

始皇帝紀更爲書賜扶蘇蒙恬數以罪賜死刊本恬下

衍罪字據史記刪

卷五上 漢前紀

秦軍復振守濮陽環水注環音宦刊本宦訛官據漢書

高帝紀注改

高帝元年羽使卒三萬人從漢王楚與諸侯之募從者
數萬人刊本募訛募據史記改

三年七月有星孛于大角刊本脫于字據漢書增

卷五下

孝文皇帝二年與王與居去來者亦赦之刊本居下衍
居字據史記及漢書刪

孝武皇帝元狩六年六月詔遣博士大等六人刊本大
訛人據漢書改

元鼎四年立后土祠于汾陰睢上刊本睢訛睢據漢書
改

五年歸義越侯嚴爲戈船將軍刊本脫侯字據漢書增
征和三年殺兩都尉刊本兩訛南據漢書改

孝宣皇帝本始元年賜右扶風德典屬國武廷尉光宗
正德大鴻臚賢詹事畸刊本畸訛時案漢書顏師古
注作居宜切今據改

孝成皇帝河平二年封舅譚商立根逢時皆爲列侯刊
本脫譚字據漢書增

鴻嘉二年六月中立山憲王孫雲客爲廣德王刊本脫

容字據漢書增

四年冬廣漢鄭躬等黨與寔廣刊本寔訛實據漢書及

顏師古注改

卷一上 後漢紀

顯宗孝明皇帝紀中二千石下至黃綬貶秩贖論者悉
皆復秩還贖刊本脫復字據後漢書增

肅宗孝章皇帝紀遣酒泉太守段彭救戊巳校尉耿恭
刊本救訛救據漢書改

孝和皇帝永元元年十月令郡國弛刑輸作軍營刊本
軍訛宮據後漢書改

孝安皇帝永初六年正月詔越嶲置長利高望始昌三
苑刊本利訛吏據漢書改

卷六下

孝順皇帝永建四年是歲分會稽爲吳郡刊本郡訛都
據後漢書改

孝桓皇帝延熹七年祠湖陽新野公主刊本脫祠湖陽
新野五字據後漢書增

孝獻皇帝初平四年六月下邳賊闕宣自稱天子刊本
闕訛關據漢書及魏文帝紀改

興平二年楊奉董承引白波帥胡才李樂韓暹及匈奴

左賢王去卑率師奉迎刊本去卑訛土單據漢書改
卷七 魏紀

文帝黃初三年賜天下男子爵人一級刊本子訛女
今改

五年將吏士民犯五歲刑以下皆原除之刊本土訛死
據魏志改

卷八 蜀紀

後主十六年大將軍費禕爲魏降人郭循所殺于漢壽
案循魏志作修

卷十下 晉紀

康皇帝紀帝徒行至閬闔門升素輿至于陵所刊本脫
至字據晉書增

穆皇帝永和二年二月以左光祿大夫蔡謨領司徒錄
尚書六條事刊本司徒訛尚書據晉書改

升平元年三月壬申親釋奠于中堂刊本中堂二字互
倒據晉書改

廢帝紀右賢王曹毅率衆二萬侵苻堅杏城刊本脫苻
堅二字 又梁州刺史司馬勳反自稱成都王刊本
成都訛瑯琊據晉書改

簡文帝咸安二年六月遣使拜百濟王餘句爲鎮東

將軍刊本東訛軍據晉書改

孝武皇帝太元九年平陽太守慕容冲起兵背堅刊本

冲訛超據晉書改

安皇帝隆安二年於是遣太常殷茂喻仲堪及元元等

走于尋陽刊本脫遣字又上元字訛桓並據晉書增

改

卷十一 宋紀

高祖武皇帝義熙四年先是帝遣冠軍劉敬宣伐蜀刊

本脫冠字先訛初並據晉書增改

六年帝次山陽聞敗卷甲與數千人造江上偵問知賊

尚未至刊本江訛淮偵訛微今增

永初元年諸流徙之家並聽還本土刊本脫土字據宋

書增

世祖孝武皇帝孝建三年正月立皇弟休範為順陽郡

王刊本順訛穎據宋書改

大明五年加尚書令柳元景左光祿寺大夫刊本柳訛

楊據宋書改

太宗明皇帝泰始二年廣州刺史袁曇案袁曇宋書作

袁曇遠

卷十二 南齊紀

太祖高皇帝建元元年降死罪以下刑并申前赦恩百
日刊本并申訛非由據齊書改

四年并中得一木簡長一尺廣二寸刊本寸訛分 又
會稽南山李斯刻秦望之封也刊本封訛風並據齊
書祥瑞志改 又鳳鳥戢翼朔旦鳴案祥瑞志作鳳
鳥舒翼翔且鳴 又滎陽郡人丑千案丑千祥瑞志
作伊午下同

卷十三 梁紀

高祖武皇帝中興元年請東昏燒南岸邑屋刊本岸訛
崖據南史改

中大通五年以尚書右僕射何敬容爲左僕射刊本何
訛王據南史改

太宗簡文皇帝大寶二年豫章王棟卽位使害新興王
大莊于京口刊本京訛宗據南史改

卷十四 陳紀

高祖武皇帝永定九年封皇兄子長城縣侯蒨爲臨川
郡王刊本蒨訛衛據陳書改

廢帝紀九月辛酉刊本九訛八辛酉訛庚戌據陳書通
鑑及本書年譜改

後主貞明二年四月有羣鼠無數渡淮至於青塘兩岸

刊本脫渡字據陳書增

卷十五上 後魏紀

太祖道武皇帝天興元年徙山東六州人吏及徙河高
麗雜夷三十六萬刊本雜訛新萬訛署據魏書改

六年九月規渡灑南面夏屋山背黃瓜堆刊本脫面字

據魏書增

卷十五下

高祖孝文皇帝延興二年討安城王刊本訛封據北
史改

太和十九年詔諸州牧考屬官為三等之科刊本等訛

年據北史改

二十年詔介山之邑聽為寒食自餘禁斷刊本餘訛無

據北史改

卷十六 北齊紀

高祖神武皇帝紀后呼榮求救賴榮遽下取之刊本遽

訛透據北齊書改

顯祖文宣皇帝天保三年蠕蠕主阿那瓌殺從弟登注

俟利刊本利訛刑據北齊書改

七年四月儀同三司婁叡討魯陽蠻大破之刊本魯訛

智據北史及北齊書改

後主天統二年封仁光爲淮南王刊本光訛元據北史
及北齊書改

五年詔侍中叱列長文使于周案文北齊書作又
卷十七 後周紀

太祖文皇帝大統四年遂進軍灑東刊本灑訛灑據北
史及通鑑改

十五年十一月進圍仲禮長史馬岫於安陸刊本岫訛
岫據北史及本書改

靜皇帝紀封皇帝弟衍弟葉王刊本衍訛衍葉訛葉據北
史通鑑及通考改

卷十八 隋紀

高祖文皇帝紀可汗更入并州刊本脫州字據北史增
煬皇帝大業五年制民間鐵叉搭鉤積刃之類刊本脫
鉤字據隋書及北史增

十二年東海人杜伏威刊本脫伏威二字據北史增
恭帝義寧二年朝議大夫沈光同謀討賊刊本脫光字
據隋書及通鑑增

卷十九 后妃傳

前漢史良娣傳丹左將軍刊本左訛大據漢書外戚傳
及史丹本傳改

後漢馬皇后傳儀狀膚髮上中以上刊本下上字訛下
據後漢書后妃紀改

和熹鄧皇后傳永初元年刊本初訛元案明監本後漢
書后妃傳作永平考永平係明帝年號永元係和帝
年號皆與此無涉今據安帝紀改

蜀先王穆皇后傳兄吳懿刊本懿沿晉諱作壹今據華
陽國志改餘並同

卷二十

晉宣穆張皇后傳其後柏夫人有寵刊本柏訛相據晉
書改

孝武文李太后傳始簡文帝爲會稽王有三子俱天刊
本俱訛係據晉書改

宋武敬臧皇后傳遷永陵平鄉君刊本永陵二字互倒
據宋書改

武帝張夫人傳生少帝及義興恭長公主刊本恭訛泰
據宋史及南史改

陳後主沈皇后傳植以奇樹雜以花藥刊本藥訛藥據
南史改

後魏后妃傳序寶祿二十員刊本二十下衍四字據北
史刪

景穆恭皇后傳又文成乳母常氏刊本脫常氏二字據
北史增

宣武高皇后傳文昭皇后弟偃之女也刊本偃訛優據
北史改

北齊後主穆皇后傳陸陰結待以監撫之任不可無主
刊本待訛符據北史改

卷二十一年譜

夏屬注不降之弟刊本弟訛子據史記夏本紀及世表
改

商昌若刊本昌訛昭 又真刊本真訛宜 又大庚注

沃丁之弟刊本弟訛子並據史記及世表改

周定王注瑜匡王弟刊本弟訛子據史記周本紀及通

鑑前編改

春秋魯哀公十三年注與吳會黃池刊本脫黃字據左
傳增

卷二十二

七國趙襄子元年注封伯魯子周為代成君刊本周訛

同據史記趙世家改

燕釐公三十年注敗齊師于林營刊本營訛孤據六國
表改

韓昭侯二年注魏取我朱刊本朱訛宋據六國表改
六年注取陵觀廩丘案廩韓世家作邢此同六國表

周赧王元年注宋衷曰赧溢也刊本衷訛牢 又皇甫

謚曰名誕刊本誕訛懿並據六國表及周本紀注改

前漢孝元皇帝初元元年刊本元訛平據漢書改

二年注冬十二月前將軍蕭望之自殺刊本脫二字據

漢書增

孝哀皇帝建平二年注尊其皇太后傅氏爲帝太太后

刊本帝下脫一太字據漢書哀帝紀增

後漢世祖光武皇帝建武十二年注黃龍見于東河刊

本河訛門據漢書及本書帝紀改

孝靈皇帝光和二年注洛陽女子生兒兩頭四臂刊本

脫兩頭四臂四字據帝紀增

卷二十三

晉孝懷皇帝本嘉三年注有白氣如帶刊本帶訛騰據

本書帝紀改

卷二十四

南北朝宋世祖孝武皇帝注尊所生母淑媛爲皇太后

刊本淑媛訛健存據帝紀及后妃傳改

魏孝文皇帝太和二十年十二月刊本十二訛八據魏

書通鑑及本書帝紀改

世宗宣武皇帝延昌二年十月恒肆地震刊本恒訛雨
據通鑑及北魏帝紀改

周武帝保定元年注以少傅尉綱爲大司空刊本尉下
衍遲字後天和六年同據周紀及通鑑刪

卷二十五 氏族

總目以郡國爲氏鄧刊本鄧訛鄧據漢書地理志改

以名爲氏顓頊刊本頊沿宋諱作玉今改

以官爲氏元官刊本元訛并今改

諸方複姓鳧史刊本史訛婁據爾雅疏改

卷二十六

周異姓國陳氏注當周之典刊本興訛與今改

薛氏注東莞葉氏刊本葉訛薛今改

周不得姓之國莒氏注江黃道柏之姻刊本柏訛相據
左傳改

卷二十七

崔氏注襄二十五年刊本五訛三據春秋改

卷二十八

籍氏注昭公十五年刊本公下衍二字據春秋傳刪

卷二十九

去聲姓案語後漢太尉陳球碑陰刊本尉訛守據後漢書改

卷三十一 六書

象形山川之形瓜注徐鍇曰刊本鍇訛鍇據說文改
艸木之形桑注桑之未落刊本未訛木今改

卷三十二

會意拜注楊雄說拜从兩手下刊本揚雄訛楊容拜訛
文並據說文改

圭注从重土刊本从訛以據說文改

卷三十三

出諸聲鬻注學舍刊本學訛李今改

矣注語已辭也刊本辭訛爲據說文改

卷三十四

假借噍之爲噍注志微噍殺之音刊本殺訛役據禮記
改

卷三十八 天文

東方角宿平星二星在庫樓北刊本二訛一今改

亢宿陽門二星在庫樓東北刊本脫二星二字今增

氏宿在氏南騎官之下都騎之將也刊本下訛上都騎

訛馬今改

房宿下第一星上將也刊本一訛四今改

箕星歌其前一黑是糠皮明則歲豐暗爲饑刊本脫明則歲豐暗爲饑七字今增

北方斗宿北二星杓天府庭也刊本脫杓字今增

危宿歌墓旁兩星名蓋屋刊本名訛能今改

室宿歌東西兩下多難論刊本東訛壁兩下訛四星今改

壁宿歌霹靂五星橫著行土公兩黑壁下藏刊本脫土公兩黑壁下藏七字今增

西方奎宿天濶七星在外屏南天之廟也天策天濶與

外屏一十五星皆不明刊本脫天策句十四字今增

南方張宿歌數星倚在太微旁刊本倚訛歌今改

卷三十九

十二次度數營室東壁安定入營室一度刊本安定二字互倒今改

卷四十地理

歷代封畛宋豫治汝南刊本豫訛荆據宋書州郡志改後魏主攻盱眙注今臨淮郡縣刊本臨淮訛淮揚據宋史地理志改

唐貞觀初分爲十道入曰江南道刊本南訛西據唐六

典改

卷四十一 都邑

伏羲都陳注周武王封舜之後于此刊本封訛後今改
十六國都案內缺後趙及蜀止十四國

卷四十三 禮畧

吉禮孔子祠注何休范甯等二十一賢猶霑從祠刊本
一訛二案貞觀二十一年制稱二十一人兼卜子夏
數之也此處子夏已列十哲則止二十一賢矣今改

卷四十四

軍禮時儺注踐夔魑與罔象刊本踐訛殘據文選更

賦改

卷四十五

凶禮大喪及山陵制旂之制長三仞刊本仞訛乃今改

卷四十八 器服

輦輿制復制小輿小行幸則乘之刊本幸訛辛今改

卷四十九 樂畧

白紵歌曲注古辭云刊本辭訛為今改

杜秋娘注皇子封漳王刊本漳訛章據唐書改

雜體五雜組曲刊本組訛鉏今改

卷五十二 職官

給事中注掌理六經及諸文誥刊本誥訛詔今改

卷五十三

僕射注成帝建始四年初置尙書五人刊本四訛元據漢書帝紀改

郎官總序侍郎闕則攝其曹事刊本攝訛離據通典改
令史序請郎補千石刊本郎訛卽又文案煩屑注若其不審萬里道微刊本若其不訛辛苦甚據隋書劉炫傳改又立州不過十二府案二劉炫傳作三與此異又其所具察則長官自辟刊本察訛察又大
小之官悉由吏部刊本官訛事並據劉炫傳改又

官不省案劉炫傳官下有事字

吏部尙書注又以吏兵尙書權位尤美刊本吏兵訛兵部據通典改

案語漢延康元年刊本漢訛魏案延康係獻帝年號今改

侍郎注六品以下官刊本品訛部據通典改

司封郎中注故光武以馮勤爲郎中給事尙書刊本尙書訛郎中據後漢書及通典改

司勳郎中注掌六鄉賓地之法刊本鄉訛卿據周禮改
老功郎中注漢元帝時刊本元訛明據漢書京房傳改

卷五十四

監察侍御史注晉志云刊本晉訛宋據晉書職官志改
國子監四門博士注周四郊之虞庠也刊本四訛西據
祭義注改

卷五十五

將軍總序魏獻子始有將軍稱注獻子為中軍帥刊本
中訛將據昭二十八年左傳注改

東宮官序必立太傅少傅以養之刊本養訛資據禮記
改

禮有中常侍高梵乘衣車來載太子太子太傅杜喬

憂懼不能止刊本脫高梵二字又杜喬訛高褒並據
後漢書种暲傳增改 又乃遣喬詣臺啟白得中奉
敕刊本喬訛褒奉訛決並據通鑑改

卷五十六

歷代王侯封爵嗣王之庶子為鄉侯案鄉魏志作亭
又公之庶子為亭伯刊本伯訛侯據魏志改

郡佐總論郡尉注又置屬國都尉刊本都訛郡據百官
公卿表改

卷五十七

武散官驃騎將軍注有驃騎時吏丁牧周栩刊本栩訛

相據漢書東平憲王蒼傳改

卷五十八 選舉

十萬以上歲舉孝廉一人注推校當時戶口一歲所貢
不過二百餘人刊本戶口下衍二字今刪 又宋初
年月多少隨部議制刊本部訛羣據通典改 又左
衛將軍謝莊上表曰九流之雜刊本雜訛難今改
又得官者不必皆待名行刊本行訛列 又其在僻
陋者則闕而不置刊本僻訛選並據通典改 又自
今以後諸授勲官者並不得回授文官職事刊本回
訛因據隋書改 又通文律者然後試策刊本通訛

議據唐書帝紀改 又斷本爲八戴方版於頂注版
方三寸五分案三通典作二 又詞美者得不拘限
而授職焉刊本美訛義 又貞觀中京師穀貴刊本
脫中字今並改增

卷五十九

雜議論上孝宣愛良吏有章劾事留中刊本章訛常據
漢書改 又丞相王嘉薦儒者公孫光及能吏蕭咸
薛修等刊本修訛循據漢書王嘉傳改 又今請郡
縣之職吏部務取廉平今直刊本務訛募並改 又
孝功員外郎王師旦知貢舉刊本旦沿唐諱作明下

同又脫貢字志據唐書選舉訛及張昌齡傳改增

又經學時務等比雜色人三分不居其一刊本三訛

二今改 又請令曹司試判訖簡為四等注有義行

者為一等給送兵部者為第二等刊本義訛景給訛

合並據通典改 又矯飾行能刊本能訛之 又明

經讀書勤苦既口問義又誦疏文刊本既訛其今並

改

選人條例舉人出身以後當宜習法刊本脫舉字今增

雜議論下昔李膺周舉為刺史刊本膺訛應舉訛乘據

後漢書改 又謹詳度古制刊本詳下衍案字據通

典刪

選舉雜議第二條至而授職何嘗肩貢刊本嘗訛常今

改

五品以上兼察舉選用之不公者注諸京師官長及觀

察使刺史刊本及訛入今改

學校州縣學生徒有差注中縣三十員下縣二十員案

六典中縣二十五人下縣二十人通考中縣中下縣

各三十五員下縣二十員與此互異

卷六十 刑法

丞相王嘉等便以數年之間虧除先帝舊約刊本虧訛

戲今改 又司徒鮑昱撰嫁娶詞訟九百六卷雖大體異篇實相採入刊本採訛探據通典改 又至於五等封爵除刑若盡永卽甄削刊本卽訛旣今改 晉劉頌上言因赦解結權而行之刊本因訛囚今改 周官司寇有三刺三宥之法刊本有訛曰 又鳳閣舍人崔融上議未若回救贖之錢物刊本未訛永今並改

卷六十一 食貨

田制皆于領所州縣界內給刊本所訛則 又以上者不得過六斗刊本上訛主今並改

賦稅詔曰穀賤傷農其令以菽粟當今年賦刊本今訛年據漢書改 又絲絹八尺絲綿三兩案絲通典俱作祿後同 又其地稅約得千二百四十餘萬石注今亦准此計數刊本數訛約 又其時錢穀之司唯務割剝注分命黜陟使往諸道收戶口錢穀名數刊本黜陟訛出職並據通典改 丁中重斂則多養羸而國貧刊本羸訛羸案管子以正戶籍謂之養羸今據改

卷六十二

錢幣除盜鑄錢令使民放鑄刊本使訛便據漢書食貨

志改

漕運若引渭穿渠度可三月而罷此損漕省卒刊本卒
訛半據史記河渠書及漢書溝洫志改 又越度大
河計車五十乘刊本車訛奉今改 又儻遇水旱便
卽匱乏刊本卽訛則據唐書改 又悉納河陰倉刊
本陰訛險 又候水漲涸刊本漲涸訛調浮並據通
典改

鹽鐵茶今宜依舊置使者監賣刊本脫依字今增

鬻爵唐鄭叔清奏承前諸使下詔納錢物刊本詔訛召
今改

權酷賣酒斗四錢刊本賣訛費據漢書帝紀改 又及

槽載灰炭戛才代反刊本代訛伐今改

算緡非吏比者刊本吏訛更據史記平準書改

雜稅令郡國無斂今年馬口錢注所謂租及六畜刊本

脫及字又畜訛書並據漢書注增改 又齊武帝時

王敬則以功力有餘悉課斂爲錢刊本課訛評據齊

書改 又若甲分毀壞則年一修改乙限堅完則終

歲無役刊本乙訛一今改 又注遣御史康雲間出

江淮陶稅案稅通典作銳

平糴高宗永徽二年九月頒新格刊本格訛各今改

卷六十二 藝文

經類周易十卷注王又元刊本又訛文據唐書藝文志
改

周易口訣六卷注史之證案崇文總目無之字

洪範外傳十卷案傳唐書藝文志作注

草木鳥獸蟲魚疏二卷注吳陸璣刊本璣訛機據崇文

總目改

左傳引帖斷義七卷案斷義崇文總目作新義

卷六十四

禮類儀禮義疏二卷案隋書經籍志疏下有見字

小學類始學篇十二篇刊本卷訛篇據隋書經籍志及

唐書藝文志改

卷六十八

營陣吳孫子三十三壘經一卷案下三字隋志作二

天象石氏星簿經贊一卷案唐書作石氏星經簿讚此

仍隋志

五行類堪餘歷注一卷案隋一卷唐二卷餘俱作輿

卷六十九

藝術類象經又一卷注何安注刊本安訛安據隋書經

籍志改

醫方類黃帝素問經九卷注全元起注案起唐志及隋志俱作越

本草衍義二十卷注寇崇撰撰刊本寇訛寇今改

刪繁方十卷注謝士泰撰案士泰隋志作士秦唐志作士太又鄭注藥方一卷注唐志鄭撰案今本唐書無鄭撰二字

文類後漢郎中籍順集一卷案籍唐志作蘇

魏司徒鍾會集十卷刊本鍾會訛鐘會今改

晉鄭袤集二卷案袤唐志作褒

卷七十

唐崔樞無機集四卷案樞唐志作機

軍書總戎集十卷注自戰國至隋唐二十卷刊本唐訛

舊今改

卷七十四

災祥

客星注五年夏六月丁卯客星如三升椀出貫索西南

案後漢書五年上有光和二字光和在中平之前此誤爲中平時事故不著年號且列于中和二年之後

大風注其後晨迎氣東郊刊本東訛黃據後漢書五行

志改

卷七十五

昆蟲草木

序是故衛宏序詩刊本故訛致今改

艾爾雅曰冰臺刊本脫艾字今增 又菟葵曰天葵案

此當自為一條此誤併為一

蘿摩諺云去家千里莫食蘿摩枸杞刊本枸杞今改
宜男草朝生暮落刊本生訛致今改

卷七十六

竹鄰堅中案鄰爾雅作鄰

木槿曰機曰日及刊本脫日字據爾雅郭注增

蓬萊其鋪地蔓生者曰地莓爾雅云蕪者地莓也案蕪

爾雅作蕪

蚯蚓蠃則蟹蠃刊本蟹訛蟹據爾雅改

蜻蜒叮啞負勞刊本叮訛叮據爾雅改

穀蠹蝓蟹強彈刊本彈訛蟬據爾雅改

鳳凰晨鳴曰發明刊本明訛鳴據宋書符瑞志改

羆字林云刊本脫字字據爾雅注增

貓說文云猶猯屬也刊本脫文字據爾雅注增

鼠廣雅謂之鼯鼠刊本鼯訛鼯據廣雅及本草改

羊吳羊牡曰玃刊本牡訛玃據爾雅郭注改

卷七十七下 周同姓世家

晉必得蕭桐叔子為質刊本桐訛同案下文既作蕭桐

則此處不應從春秋傳作同今據史記改

曹令軍中無入墮負羈之宗族刊本釐訛僖據史記改
鄭公子子孔使尉止殺子駟而代之刊本公下脫一子
字今增

魏入朝而爲臣刊本朝訛韓今改

韓公戰而勝楚遂與公乘楚施山川而歸刊本施訛施
案史記正義施猶設也今據改

卷七十八上 宗室

前漢吳王濞傳吳有章郡刊本有下衍豫字據宋祁注

刪

楚元王交傳竊惟春秋災異以效今事案效漢書作救

又物盛必有非常之變先見爲其人徵象刊本徵

訛徵今改

淮南厲王長傳奉以二千石所當得案史記所下有本
字此仍監本漢書 又尉竒等在捕伍開章長匿不

與故中尉簡忌謀殺以閉口案簡漢書作簡師古曰
嚴助傳作間字音同耳或有作簡者非也蓋後人所

改 又立厲王三子王淮南王故地三分之案漢書

淮南下無王字 又淮南王安爲人好書鼓琴刊本

琴訛瑟據漢書改

卷七十八下

燕刺王旦傳賜燕王錢二十萬案二十漢書作三千據下文益封萬三千戶則二十萬之數殊不稱當以監本漢書為正

卷七十九

魏曹真傳亦知範剛毅刊本毅訛毅據魏畧改

任城威王彰傳卿新有功刊本新訛親據魏志改

吳孫翊傳建安八年刊本安下衍十字案傳末時建安

九年也則十字是衍文今據吳志刪 又翊妻徐氏

購募追捕刊本購訛構今改

孫和傳少以母王氏有寵刊本脫氏字今增

卷八十上

晉彭城穆王權傳騰出後叔父悌案晉書無悌字 又

一承輿初輒令劉根起兵東萊刊本輒訛恠案說文輒

從中茲聲漢地理志東萊郡輒縣師古注音堅今據

改

范陽康王綏傳彭城王權季弟也刊本城訛越據晉書

改

濟南惠王遂傳退屯於女媧堡刊本媧訛媧據晉書改

梁孝王彤傳陳留蔡充刊本充訛克據晉書改下同

惠帝愍懷太子通傳于是使太保衛瓘息庭刊本瑾下
衍之字據晉書刪

卷八十下

汝南文成王亮傳永興初率眾依東海王越刊本脫眾
字據晉書增

卷八十一

宋臨川烈武王道規傳引為佐史刊本史訛吏今改
廬陵孝獻王義真傳使左右剔母舫首道施已船而取
其勝者刊本毋訛每今改

彭城王義康傳烏程令盛曇泰刊本曇訛雲據南史改

又遣中書舍人嚴農齋藥賜死案屬宋書作龍此

依南史改

江夏文獻王義恭傳國官三冬不得躡登國殿案三冬

宋書及南史俱作正冬

元凶劭傳立司隸校尉以殷仲素補之案殷仲素南史
及宋書俱作殷冲據傳後云偽司隸校尉殷冲則此
處誤也 又魯秀等募勇士百人攻大航刊本航訛
舫據南史改下同

豫章王子尚傳比州治中從事刊本治訛從據宋書改

卷八十二

南齊始安貞王道生傳建武元年案元齊書作二
始安王遙光傳東昏召尚書令徐孝嗣屯衛宮城案南
史及齊書俱無此句

安陸昭王綽傳竟陵王子良與之書刊本竟訛景據南
史改

新吳侯景先傳以景先領軍主刊本主訛王今改

臨汝侯坦之傳帝于宮中及出後堂雜狡猶刊本堂訛
常 又官有何事一旦便欲廢之刊本官訛言並據
南史改

豫章文獻王嶷傳攸之責賤千萬駒三百萬頭嶷發氣

死案南史及齊書俱作飯之責賤千萬頭嶷輸五百

萬發氣死 又給班劍二十人刊本二十訛十一

又義陽武陵天門南平郡四界刊本陵訛鄰並據齊
書改 又啟荊州刺史隨王子隆請罪不刊本隆訛
降今改 又宮人畢至登桐臺刊本桐訛相據齊書
改 又書成百餘卷表奏之刊本奏訛奉今改

武陵昭王昇傳居止附身所須而已刊本止訛上今改

又梓中菘菜鮑魚而已案鮑南史作鮑史記貨殖
傳注鮑魚卽今之鮑魚

鄱陽王鏘傳排墻叫噪而入刊本排訛挑據南史改

始興簡王鑑傳吾意常不同刊本同訛周據南史改

江夏王鋒傳高常使學鳳尾諾刊本諾訛詔據南史改

竟陵文宣王子良傳宋元嘉中刊本嘉訛喜據南史改

又及朝貴辭翰皆發教撰錄刊本翰下與者字今

刪 又嘗著西京雜記六十卷刊本雜訛新據南史

改

鄱陽王寶夤傳與其兄還糾率鄉義刊本糾訛記據魏

書改

卷八十三上

梁吳平侯景傳終於治書侍御史刊本沿唐諱刪治字

今增後並同 又景初到州省除參迎刊本參訛三

今改 又左右嘗將羹至胸前翻之刊本至訛正據

南史改 又諡曰恭子案子南史作侯

長沙宣武王懿傳詔既承旨撰著多所實錄案所南史

作非與此異

臨川靜惠王宏傳屯朱雀航刊本航訛舫 又家中叱

罵刊本叱訛託今改

南平元襄王偉傳偉取襄鄉寺銅佛毀以為錢案鄉南

史作陽

鄱陽忠烈王恢傳範亦馳啟自理武帝怒焉刊本怒訛

次定何事... 卷八十三上

怒今改

卷八十三下

昭明太子統傳鏡歌輟奏刊本輟訛輒據南史改

豫章王綜傳太傅卿祖暉刊本府訛舟據南史改

南康簡王績傳爲魏師所敗刊本敗訛侵今改 又問

事之所起刊本起訛被據南史改

邵陵攜王綸傳尤工尺牘刊本尤訛猶今改 又以血

書壁刊本壁訛歷據南史改 又賊使負袍案袍南

史作袍

武陵王紀傳椎床聲聞于下刊本椎訛推今改

卷八十四下

後魏南安王植傳累表請軍刊本表訛拜據魏書及北

史改 又榮之入洛也刊本榮訛業據魏書改

卷八十五上

北齊趙郡王琛傳長史宋欽道刊本宋訛承據北齊書

及北史改

陽州公永樂傳尋爲南營州刺史刊本脫南字據北齊

書及北史增

平秦王歸彥傳先是冀州長史刊本長訛刺據北齊書

及北史改

彭城景思王洸傳封長樂郡公刊本脫封字據北齊書
及北史增 又有隰沃縣主簿張達刊本沃訛汲今
改

廣寧王孝珩傳畫一蒼龍案龍北齊書及北史作鷹與
此異

南陽王綽傳以五月五日辰時生刊本辰訛丙據北齊
書及北史改

淮南王仁光傳詔與蕭琮陳叔寶修其本宗祭祀刊本
琮訛琛據北齊書及北史改

卷八十五下

後周邵惠公顥傳武成元年刊本元訛九據後周書及
北史改

齊煬王憲傳齊人復據高壁及洛女若刊本脫若字據
後周書及北史增

隋滕穆王瓚傳呼術者王姿問之案姿隋書及北史作
琛與此異

衛昭王爽傳高平虞慶則等刊本慶訛世據隋書及北
史改

河間王弘傳懸賞千金之購刊本賞訛當據北史改

房陵王勇傳又東宮宿衛之侍官以上刊本宿訛宮據

隋書改

庶人諒傳薛粹為絳州刊本脫薛字據隋書及北史增

卷八十六 周異姓世家

齊無知自立為齊君刊本君訛公據史記改

宋曰急常寒若曰蒙常風若刊本脫曰蒙常風若五字

又楚共王拔宋之彭城刊本拔訛伐並據史記增

改

楚以弟熊嚴為後刊本脫為後二字據史記增

卷八十七

越齊威王使人說越王曰刊本說訛詔據史記改

趙靈公立十四年刊本脫四字據史記增 又程嬰謂

公孫杵白曰刊本謂訛請 又於是趙北有代南并

知氏刊本知訛和 又禮者所以便事也刊本脫此

一句並據國策及史記改增

卷八十八 列傳

孔子傳踐土之會賓召周天子刊本脫踐土之三字據

史記增

宓不齊傳少孔子四十九歲案四十九家語作三十與

此異

商瞿傳少孔子二十九歲刊本脫九字據史記增

梁鱣傳字叔魚刊本魚訛思據家語及史記改
韓非傳爲說難書甚具刊本具訛易 又以此相持刊
本持說時並據史記改

卷八十九

周劉康公傳其何事不徹刊本何訛作據國語改

單襄公傳本見而草木節解刊本脫草字 又言義必

及利刊本利訛制 又言勇必及制刊本制訛利並

據國語增改

太子晉傳聽言昭德刊本昭訛以據國語改

魯季文子傳七年吳伐郟刊本脫七年二字據春秋左

傳增

季桓子傳自虞以上爲陶唐氏刊本自下衍唐字 又

處不辟汙刊本汙訛行並訛左傳刪改

卷九十

晉胥臣傳不敢以禮致之歡之故也刊本歡訛懼 又

二帝用師以相濟也刊本濟訛擠 又泉原以資之

刊本原訛貨 又衆而順嘉也故曰亨刊本脫故曰

亨三字並據國語增改 又詢于入虞而諮于虢刊

本諮訛詔據國語改

智武子荀罃傳晉士莊子爲載書刊本晉訛鄭據左傳

改

樂武子書傳及晉悼十二年刊本悼訛平據國語改

卷九十一

鄭公孫僑傳祓禳於四方刊本四訛西據左傳改

衛甯莊子傳國不可得也刊本得訛待據左傳改

蘧瑗傳則缺御毀首碎胃刊本缺訛決據莊子改

卷九十二

齊管敬仲傳戎車待游車之裂刊本裂訛翦 又里退

而修軌刊本脫此一句並據國語改增 又山澤各

致其時刊本山上衍不字 又輕罪贖以贖楯一戟

刊本贛訛鞞並據國語刪改

晏平仲傳以平其心成其政也刊本政訛聲據左傳改

崔武子傳不以兵甲刊本甲訛車據左傳改

楚沈諸梁傳其展也足以復之其周也足以蓋之刊本

脫其周也一句 又夫誰無疾管刊本誰訛唯並據

國語增改

延陵季子傳曰美哉蕩乎刊本復衍蕩字據左傳刪

卷九十三

戰國田單傳與其生而無義刊本脫無字據史記增

魯仲連傳好奇偉倣儻之畫策刊本偉訛律據史記改

又則臣見公之不能得也刊本脫不字據戰國策
及史記增

蘇秦傳秦攻趙則韓守宜陽刊本趙訛魏據國策及史
記改 又韓北有鞏洛成皋之固刊本脫洛字據史
記增

張儀傳不親於楚則楚攻其南刊本脫則字據史記增
商鞅傳各以率受上爵刊本率訛卒 又則恐僕貪位
貪名也刊本脫貪位二字並據史記改增

甘茂傳旦王前嘗用召滑於越刊本越訛趙據國策及
史記改

卷九十四

孟嘗君買肥牛刊本脫買字據史記增

春申君傳絕楚魏之昏案魏史記作趙 又其於禁王
之爲帝有餘矣刊本帝訛楚今改 又而李園女弟
刊本脫女字據史記及上文增

屈原傳然終無可柰何刊本終訛後據史記改

李斯傳爲之柰何刊本柰訛禁據史記改

卷九十五

前漢魏豹傳豹詣滎陽刊本詣訛諸據漢書改

廬縮傳嘗告過趙刊本告訛言據漢書改

卷九十六

曹參傳卽召除爲丞相史刊本史訛吏據史記及漢書改

張良傳沛公自繼陽南出轅轅刊本陽下行西字據史

記及漢書刪

王陵傳問天下一歲錢穀出入幾何刊本脫一字據史記及漢書增

周勃傳攻蒙虞刊本蒙訛藺據史記及漢書地理志改

又定代郡九縣刊本定代訛陳武據史記及漢書

改 又皆非惠帝子刊本皆非二字互倒據漢書改

田曆嘉傳躡躡廉謹注躡躡持謹之貌刊本整訛忍廉

及史記漢書注改

卷九十七

息夫躬傳躬寵乃與中郎右師譚刊本右訛之據漢書改

衛綰傳恐文帝謂豫有二心事太子也案此二句係史

記及漢書注刊本攙入正文誤

賈誼傳夫禍之與福何異糾纏刊本纏訛纏據史記及

漢書改 又爲之繡衣絲履刊本絲訛緣據漢書改

袁盎傳而誅諸呂存劉氏刊本誅訛諫據漢書改
鼂錯傳卽有險阻以此當之刊本當訛通 又十連一
邑刊本連訛里並據漢書改
鄒陽傳兵加胡越刊本兵訛其據漢書及文選改 又
是時景帝少弟梁孝王貴盛亦待士刊本待訛得據
漢書改 又夫王奢樊於期非新於齊秦而故於燕
魏也刊本魏訛趙據漢書及文選改

卷九十八上

灌夫傳與長孺共一秃翁注秃翁言嬰無官位版綬也
刊本綬訛授據漢書注改

卷九十八下

司馬相如傳其山則盤紆峩鬱刊本峩訛第 又華楓
枰櫨刊本楓訛風並據漢書及文選改 又步騎之
所蹂若刊本脫步字據文選增 又故遣中郎將往
賓之刊本賓訛賞 又終則遺顯號於後世刊本脫
後字 又且因宣其使指令百姓皆知天子意刊本
指訛詣 又踰渡輻輳容以飢麗兮刊本脫容字
又而修理地祇刊本地訛以並據史記及漢書改
張湯傳使吏捕案湯左田信等刊本捕訛部據漢書改

卷九十九

總目楊敞子憚刊本子訛弟據漢書改

張騫傳大夏去漢萬二千里刊本萬訛南據漢書改

又南方閉檣注先藥反刊本藥訛藥據漢書注改

又西擊塞王注塞西域國名也刊本域訛城 又遣

人使貳師約曰刊本脫約字並據漢書增改

嚴助傳近者親附刊本親訛新據漢書改

吾丘壽王傳天祚有德刊本有訛不據漢書改

王褒傳故有園空之隆刊本園訛園據漢書及文選改

楊王孫傳進醫藥刊本進下衍近字據漢書刪

卷一百

霍光傳敢有毀者坐之刊本毀者訛譖光者據漢書本

傳改 又光遺宗正劉德刊本脫光字 又趙平爲

散騎都尉刊本脫一騎字並據漢書增

金日磾傳武帝元狩中刊本狩訛始據漢書本傳及武

帝本紀改 又上召岑拜爲郎刊本脫郎字 又徵

爲大司徒司直京兆尹刊本徒訛馬並據漢書增改

趙克國傳以六郡良家子注金城隴天西水北地上郡

刊本天水訛北地據漢書改 又兵難喻度刊本喻

下衍遙字案漢書顏注曰喻讀作遙此蓋因注文誤

入者今刪 又望見大軍欲渡湟水道阨狹刊本阨

訛沅 又糴二百萬斛穀刊本二訛三並據漢書改
傅介子傳介子至龜茲復責其王刊本脫介子至龜茲
五字據漢書增

常惠傳發龜茲東門一萬人案一漢書作二

陳湯傳屠五重城刊本五訛三 又不察周書之意而
忘帷蓋之施刊本益訛幄據漢書改

段會宗傳卽誅末振將太子番丘刊本丘訛兵據漢書
改

朱雲傳一色成體謂之純刊本純訛醇據漢書改

平當傳災害不生刊本生訛成據漢書改

貢禹傳攻山取銅鐵刊本鐵訛錢據漢書改 又然嘉

其質直之意刊本意訛愚據漢書改

兩龔傳勝字君賓舍字君倩刊本賓訛裳據漢書改

鮑宣傳守東州丞刊本束訛東據漢書本傳及地理志

改 又位皆列三公刊本三訛二據漢書改

卷一百一

韋賢傳孟作詩諷諫刊本脫詩字據漢書增

魏相傳諸上書者皆爲二封刊本二訛三 又元鼎二
年刊本二訛三據漢書改

丙吉傳視過甚有恩惠刊本視訛親據漢書改 又瓊

錄未已案漢書無瑣錄二字 又嘗從祠高廟刊本
祠訛事 又孝宣皇帝時臣上書言狀刊本脫孝宣
二字並據漢書改增

趙廣漢傳尉史禹刊本史訛吏案漢書文穎注曰尉史
尉部史也禹其名今據改

張敞傳田完有功於齊皆疇其官邑刊本官邑訛庸
又吏追捕有功效者刊本脫者字並據漢書改增

王尊傳御史大夫忠奏尊暴虐刊本忠訛中據漢書改
蓋寬饒傳惟謹慎爲得久刊本久訛又據漢書改

鄭崇傳又以重賢貴寵過度刊本重訛董今改

京房傳道人當逐死刊本逐訛遂 又欲令在上求書

入朝得佐助房刊本佐訛任並據漢書改

李尋傳任以大職刊本大訛天據漢書改

卷一百二上

蕭望之傳攘所受監賊刊本攘訛讓據漢書改

馮奉世傳永光二年刊本光訛元 又進退恂恂刊本
進退訛進進並據漢書改

光傳匡衡舉光方正爲諫大夫刊本諫下衍議字據

漢書刪

史用傳丹爲人知足刊本知足互倒據漢書改

朱博傳封列侯皆增奉如丞相刊本皆字訛在封字上
據漢書改

翟方進傳爲棄去宣家者以避害刊本以上衍可字據
漢書刪

卷一百二下

杜鄴傳思承始初事稽諸古刊本訛事稽諸古以收帝
怒據漢書改

揚雄傳先是蜀有司馬相如刊本是下衍時字 又鸞

鳳紛其御製刊本御訛銜 又破穹廬腦沙幕刊本
沙幕二字互倒並據漢書刪改

卷一百三

王莽傳敢爲激發之行刊本激發二字互倒據漢書改
又中壘校尉曰軍正刊本脫壘校二字案劉敞曰
中尉廢久安得更名當是中壘校尉今據增 又率
土之濱刊本濱訛賓據漢書改

